



Andrin Beeli da Sagogn, campion svizzer en la categoria U 19.

FOTOS G. N. STGIER



Las dunnas ch'èn sin il podest tar l'elita: Esther Süess, Kathrin Leumann e Kathrin Stirnemann (da san.).

Victoria suverana dal cyclist sursilvan

Lai: Campiunadi svizzer da velo da muntogna

DA GION NUTEGN STGIER / ANR

■ Il Sursilvan Nino Schurter ha gudagnà gia sco l'onni passa la cursa dal campiad svizzer e defenda cun quai ses titel. El ha dominà la cursa e strusch ina giada fatg l'impressiun da betg gudagnar quella. In di da bellezza ha dà la culissa a la cursa dal campiad svizzer da velo da muntogna a Lai. Durant trais dis è il lieu turistic da Surmeir stà en il center dal sport da «bike» da muntogna, han già lieu diversas cursas en la vischinanza da la staziun da val da la pendiculara Corn Cotschen. Sin in percurs cun ina lunghezza da 4,2 km, cun

divers impediments pli simpels e pli prentensius han ils participants da l'elita già da far sis rundas, Il traject da la cursa ha manà tras guauds, glera e prada, tut en tut in percurs ideal per ina cursa nua ch'il meglier velocipedist da velo da muntogna da la Svizra è vegnì eruì.

Bunamain adina a la testa da la cursa Campion svizzer è vegnì e quai gia sco il 2012 Nino Schurter, da Ternsanus, da preschent campion mundial, vicecampion european ed ussa per la segunda giada en seria campion naziunal cun il «bike» da muntogna tar l'elita. Bunamain durant l'entira cursa che ha cuzzà 84 mi-



Il victur durant la cursa dal campiad svizzer.

nutas è Nino Schurter stà a la testa ed è a la fin vegnì en moda suverana campion svizzer. Segund cun in retard da stgars nov secundas è vegnì Lukas Flüchiger e sin il terz post cun dapli che ina minuta retard sa chatta Fabian Giger. Tar las dunnas ha gudagnà la cursa Kathrin Leumann davant Esther Süess e Kathrin Stirnemann. Duas ulteriursas medaglias dad aur per la Sursevla han fatg tar quel campiad naziunal a Lai Andrin Beeli da Sagogn che è vegnì campion svizzer en la categoria U 19. Plitost ina surpraisa è lura stada la victoria da Vital Albin da Ternsanus ch'è dapi sonda campion svizzer en la categoria U 17.